



蔡孔目集書後

明吳縣蔡羽著林屋集二十卷

詩文

嘉靖刻本

集十三卷

詩文

嘉靖刻本

十字林屋集有目序一首南館集未有嘉

靖望卯孟夏刊一行後有嘉靖己酉門人陳

宏榮跋言林屋集為門人刻行南館集則

沒後為郡守南岷王公所刊板藏郡府成

申歲宏榮乃加鑿校與林屋集合云

按羽字九遠世居洞庭西山

蔡故大族山中有東西蔡村皆其族人

自號林屋山人又稱左虛子以太學生赴選天

官卿知其名曰此君少日所閱易蔡生耶奏  
授南京翰林院孔目居二年致仕歸故晚年  
所作題為南館集九遠早以文學知名高自  
標許為文法先秦兩漢為詩務遠出魏晉  
薄少陵為不足學李時遠以蚍蜉撼大樹  
譏之錢牧齋選列朝詩集力為解喻謂九  
遠疾當時李獻去輩以學杜雄壓海內竄  
竊剽賊靡然成風不欲訟言攻之故藉口  
於少陵俾尋播割割之後無可憑藉此立  
言之微旨也謂其詩早歲微尚纖縵既而

臧園鈔本

防書編本八八編

滌除靡曼歸於雅馴晚更以著時出奇麗  
見者謂長吉不是過故選錄所作至一百二十  
餘首所以稱許者至矣然竹垞靜志居詩話  
乃深肆詆訶言其所自謂為西京達安者今  
觀集中乃篇無妍辭句無警策又言詩賦  
八百餘首文二百首恒河之沙鉤金安在牧之  
曲為解嘲其誰信諸云所為貶斥太殊過當  
平情論之九遠為文力求矯佞而體薄氣孱  
洞庭諸記當時推為雅製然較之柳州尚  
遠不逮詩則稷啟甫稱其沖雅爾玄言以為

整秀而王弼州比之灌莽中善薇汀際小鳥  
許其微有韻致惟陳松山前輩明詩紀事言  
採掇菁華亦是六朝人佳製其評陽似為  
平允惟太湖備考據陶周望所傳軼事言  
允遠書室之楹已處其中縛藁為人合腰  
膝可以屈伸朝課易夕課四書自為解而以  
傳注置几旁每開卷輒大詎曰某人謬甚  
此童子牽藁人踉而扑之又置大鏡南面  
遇著書得意輒正衣冠向鏡北面拜譽其  
影曰易洞先生爾言何妙吾今拜先生矣生

臧園鈔本

防書編本八編

平以善易自負故稱易洞也述其狂謬乃至  
是夫自古文人失志其憤鬱之情不免為世  
俗所駭怪允遠高才績學早有盛名然為程  
文以應有司閱四十年而不售晚際無聊與  
世殊迥然觀其文字初無嫉時恃禮之辭  
周望所言乃得之天王寺僧澄源或出傳同  
之過意彼少年疏狂自放亦等於祝希哲  
張夢晉唐子畏之流其怪僻當不若所言  
之甚依詔不實流為丹青余特為辨而明  
之庶令流言止於智者毋使古人蒙此厚誣

己身庚辰九月汝舟識




Vertical columns of faint handwritten text, likely bleed-through from the reverse side of the page.

臧園鈔本

仿春楊本六稿

林屋山人自序



古之言者必有得而不言與無所得而言均非也山人非有得也言如不容已於戲不能無感者情也動於中形於外言辭也若鳥於春若蛭於秋動有由來不自知也紀綱有無是謂志述原厥成敗是生議論管乎人情陳其巨細是分風雅其義炳於六經紹於諸子上為列星下為流峙謂學道不學文非四教之意謂文不言體非六義之訓是故

其局雖殊其宗未嘗異焉經者微之傳者顯  
之微者引之顯者緯之故得其趣則千載同  
志亡其的終身取盲是故學不可以不慎也  
意不待言何憂乎拙言不自足何害乎贍語  
人以代非知言者也寓言于迹當求諸言外  
山人方十齡從母氏學歌詩弱冠喜聲律爲  
文章喜波瀾踰四十盡棄前好然局與歲更  
竟逮于老自謂茫無歸縮恒仰首浩歎有詩  
賦八百首文幾二百首爲友人所刻言不自

知君子憫焉山人姓蔡氏名羽字九達居于  
林屋山中故稱林屋山人又稱左虛子嘉靖  
己丑三月朔日書

林屋集目錄

卷之一

廣初賦

哀相逢賦

仙山賦

松厓賦

玉賦

桐子池賦

卷之二

閒居計

冬涉首四

志內首三

志外首三

把酒有懷

放舟城隅

越來溪

姑蘇臺

浣沙女

續吳趨

奉陪太傅王公練瀆泛舟首二

祥公話天目

春盡虎丘 ○諸友泛舟石湖

發胥口

同彭子上方西礧

暑夕

山居首二

閣曉



七夕

野興

與客至林屋洞

讀治平下院

秋日

元和道院

過東禪首二

京邸

半塘寺

朝霽

秋盡

新秋

谷口

初返山居首二

城南諸寺

大雪有感

春朝

從軍章三

川上

春館

客夜

閭門城樓

天平山謁范公祠

寶劍歌

館娃宮

月首二

與陸無蹇宿資慶寺

下方寺

林屋洞

觀海

孟冬

與徐士瞻宿青白河

吳門雜咏首四

秋夜

九江劉子說廬山

冬口

虎丘

暮春

七寶泉

天平山

秋懷

古離別

懷女生

夏景計途次

卷之三

秋日山中

春夜別友人

防秋首三

九日登樓

蝶鶯

入高橋門

孝陵篇

靈谷寺

赴朝陽門

扇村舍

羅菴翁竹圃

春日虎丘

秋日

苦寒

送師勤

峽蝶篇

樂遊苑

清涼臺

搗衣

桃花

秋日越來溪

塔院

曉起

子春五

病馬

夜不收

鴈門斗

桑乾河

龍江驛曉發

梅月倦歌

長門歌

五月

贈華中甫

宴韓承宗

閒居

秀州館諸先生

相逢

杏花懷吳下門生

千佛閣

螢

春日思家

臯橋

秋泉

江上晚來山

婕妤曲

江上

橫塘

贈陳希問兄弟

對月二

懷姜大本

觀瀾閣對金山

秋夜西齋

贈伍疇中

由南峰入天池

郭家篇

韓承宗鸚鵡

王履吉至館

橘 朝陟

與客山行二

石湖別秦子玉

卷之四

古狂

古貞

徐錦衣園亭五

春日鷄鳴寺

報恩寺

懷舍中牡丹

贈宋克貞

雪後宿潘氏

春盡玄墓

晚眺

虎山橋

寄錢元抑

雨中過馬禪

投宿潘和甫

丹陽道中計

甘露寺二

靳師光霽樓

寓樓春日

晏白氏園

惠山酌泉

別恨

春去

王履約遺江鱗海蛤

鍾山石

江南鴈

石城曉行

王儀部寄味日

論太常馬公墓



求寧寺送暉魯南

川房

徙館

經主第首

王儀部見招

涵上人房

朝雨

懷顧全州

促織

夏日虎丘

陳磬泉官舍

逢潘子

投宿

小雨

春日

曉發

春日溪上

閣上

贈華公

過湯子重

下觀音閣

復城橋

寄朱希直

上真宮

江上別友人

曉晴

北塢

寄羽士

人日玄秀樓

春夜瀆

讀大雲

宿治平僧房

春夜瀆

野仙捧壽歌

送方儀部

感事首

春日

至舍

送楊儀部入南峯

登靈巖

芙蓉篇

感懷十首

陳子魚遐矚樓

晉卿餽鯁魚

卷之五

華燈花初生

海棠集賞

南峰

登虎丘首

過陳子復

太平寺

一雲寺

金山寺

白蓮草堂首

送顧愚迭

寓樓七夕

烈士

祗園寺

懷太原公

龍潭道

送陳督經

上巳寄文子

京口

送昆陵懷鄭公

春陰

邀太

二月廿九

期王履吉看花不至

春盡還山中

頤花發香

鵲語

燈夕湯子重

荅陳石亭見寄

泊青山

金陵懷友人

秋日牛首

宿花岩

松西郊

山中

鞦韆怨

荷葉三章

閣上

西虹橋

懷履約

次高座寺

同蔣子宿孤園

王氏從適園

秋圃篇

靈隱觀

天界寺

碧峰寺

林職方見招

觀音閣

觀音門

諸友前江上

避暑神樂觀

靜海寺佛閣

秋夜渡次首

南江為蔣君賦八韻

山路

灣口

春陰

蚤秋西山道院

人日山樓

鳴鶴臺

靜觀亭

興善寺

垌城令思過亭

送吳惟新

逢宗伯昭

詩贈楊元仁

東府袁次首

送袁伯高

至日

懷劄邦輔首

鐵瓶草堂

人日山閣有懷

吳松江分題為袁補之壽親

雨阻

佳子

春遊

卷之六

金陵寓樓有懷

雪四首

思田園

尊中有明歌

秋日

所懷

新漲

出郭

畫馬歌

夏日

南簫

秋日虎丘陪顧台州

懷葉尚宗

送張汝警

新亭懷古

清涼寺

湖涉

聞吳嗣業亡

函舌

長安月

許仁佐至

石湖草堂

游子

西溪曲 柳

王子履吉又讀治平

山半觀消夏灣

秋景

正月十日

車行

龍泉書屋

渡江

雨中懷諸友

誦顧司勳武祥詩

虎丘赴毛純嘏

三月八日到鹿飲泉

懷劉水部

送張元之

燕 鴈

陳管經席上

董太學還柳州

病中

湯子朋席上

王駕部乃翁就卷

贈張膳部

山閣

春去

寄伍長垣

寄黃督經

送張濬州北征

中秋

張膳部席上

卷之十

贈楊次和

積梅

早行

山天觀亭歷觀音閣縱覽江上

相思行

泊菱溪懷白貞夫

冬日子重履約復吉集予玄秀樓

登第四峰

登縹緲峰

張東沙署舍

顧廉憲羅太守秋日塔院

鷓鴣山房前

許攝泉集塔院

龍江歌

陰山風高

黃河不流

秦子玉過

送少司馬陳公

朝賀

寄王南原

大駕北還

蒙古信卿畫馬

紀雨

主約弟至

覆舟山臨望

越城橋舟中

寄勞鳴玉致許元復

徐殿讀薜荔園

徐公子東園

寄陸宜俯

酌酒與靈德

暑夕

訪壽承休承

送潘子

勞鳴玉讀孤園

徐氏則見過

寄王秉之

吳秋官席上

守谿太傅視

春江圖

李時賢至

春盡馬禪寺

牡丹宴時賢

送王望之

長干浮圖

懷陸子玄

書懷

清涼寺

沈明卿至

陳秀甫載酒

贈陳督經

虎丘退居

吳門夏日

領孫堂

王天文過訪

潘陳登縹緲峯

宴燕翼樓

携壺

憑虛閣晚眺

惟言

泊龍江

贈陸黃門

採桑篇

虛白東堂

嚴學士鈴山堂

陽山草堂

吳東礪品悟道泉

卷之八

進酒行

送葉敦叔

送大司成崔公

采薇

至日集寓中

天平山

寄吳純叔

愛日亭

暮春山居

酌憑虛閣

送金主簿

贈王慶辛

安西路

寄王南原

百花洲

劉南坦太僕應

召

贈陳道復

餞友

張膳部見過

送黃誠甫

送陳良用

懷朱大叅

至樂樓

芳洲書屋

高郵舟中

芍藥

李翁赴池州

陸叔平見訪

未至林屋洞

柴光祿壽日

懷師古啓宏

歷歷

壽朱玉峰

張膳部席上

贈潘汝亭

張子饒東樓

送王履約

許彥明見過

秋日歸山首

金陵逢吳子

贈伍水部

陳朝爵席上

答顧子見贈

蟋蟀篇

送陳啓之

宿顧貞叔

貞叔館話孔嘉

憶子遠明卿

何白齋見過

邊華泉見過

龍江別友人

顧貞叔新軒

陸叔平席上

朱昌符

答沈少柔

李季喬園亭

答金懋仁

再送楊夢羽

送錢秋官

贈毛純嘏

卷之九

山宿

採桑女

期楊弘之不赴

淮陰小西湖

衡山師古同步

呂梁岸

清明宿徐州

百步洪

沛縣

魯齋

宿任城

過鉅野

寺前開觀南旺湖

齊南書懷首二十

東昌光嶽樓

大寧寺閣

武城答徵仲首二

夜話王元肅

懷華從龍

別甘泉老先生

玉河橋曉行

錢太常官舍

王直夫見招

慶壽僧房集蔣子子雲薛子君采文子徵仲王子直夫分偏字

海印寺鏡光閣

贈盧師陳

南旺湖

王繩武失馬

贈文選薛子

廷試日左掖門即事

禮部引奏中式貢士一千二百二名

公寮避暑

送孫鯨

引奏後即事首十

郊壇

五日自河邊

早興首五

還讀書堂

神樂觀

春日溪口首十四

天界寺  
卷之十

懷王許州

府邸納涼

送沈桐廬

聽笛首四

牡丹燕

廬職方過孤園

贈高子

錢孔周席上

高司封守寧波

張仲先還吳

蔣子雲經吳門不遇首二

別言

豐考功携遊清涼寺

送顧司勳

別華泉公

袁尚之見過

從幕府

哀金生果

許仁佐至

送沈汝淵

送莫惟誠

蘇侯行

別蔣卿實

寄胡用夫

贈余子

送黃勉之

懷朱繼之

壽徐子仁

送王祠部

贈方客部

仲先讀幕府前

贈袁永之

贈徐君叙

寄蔡玉卿

贈馬進伯

別張曙部

送潘汝亨

壽劉鴻臚

懷胡可泉前

贈高世佐

送張仲安

馬子洪過訪

別燕泉何公

送王履約

寄見素林公

呈宗伯沈公

賦得彭蠡湖呈盧職方兼柬屠秋官

卷之十一

傅響集序

宗譜序

送四川憲副龍公序

送甘通府序

送劉吳縣考績序

繪燬序

送李時賢應試序

吳先生四川較文序

送少宰汪公序

毛中丞八十序

送遊五嶽序

送王履約會試序

送三千總兵徐君序

送徐子遊太學序

陳啓之進學序

二業訓後序

送方司農序

卷之十二

送大司成崔公序

春夜話別序

顧全州七詩序

送大叅徐公序

送大叅胡公序

內經註辨序

桂子宴序

石氏家慶序

感雲序

送蔡玉卿還吳興序

送許仁佐表試序

送楊子入 觀詩引

送蔣子還武陵序  
送賴子歸寧都序  
林屋山人自序

大尹陳公哀輓序  
送沈子還儋州序

卷之十三

愛日亭記

蜀山記

消夏灣記

遊石蛇山記

遊石蛇後記

聞德齋記

有竹記

遊石湖記

遊林屋洞記

南星草堂記

橋梓精舍記

脩竹館記

曲巖記

方塘記

卷之十四

登縹緲峰記

酌鹿飲泉記

石湖草堂記

茶鼎記

人日登樓記

元和道院真武殿記

婚喪亭記

雲巖記

桂亭記

延月亭記

碧筠精舍記

復古齋記

石湖草堂後記

磬泉記

卷之十五

友戒

士命

蹈道

耳罪

市有虎論

撫戎論

麟不育解

解虞似解



逸辨

辱知辯

卷之十六

樂說

沈元材伯仲字說

保竹說

損吾說

事茗說

祖行文

祭太僕少卿王君文

祭少司馬陳先生文

師韓書院銘

孫敬初字說

卷之十七

上靳閣老書

上王太傅書

與劉時服書

答黃勉之

與林職方志道書

與王憲副欽佩書

上邵宗伯書

上林司寇書

卷之十八

與伍木部書

與諸楊伯書

答陳木部忠夫書

上少司馬陳公書

四客贊 并序

遺安馬翁贊

天樂翁傳

景范先生傳

雙溪子傳

落魄公子傳

廬州霍山縣李侯去思碑

先考橘洲府君先妣吳孺人行狀

明故遂安知縣 贈刑部主事景陶張公行狀

卷之十九

桂岩先生墓碣

處士張先生墓碣銘

蘿菴翁墓志銘

陶處士墓志銘

處士潘陳紀吳碩人合葬墓志銘

徐孺人墓志銘

張恭人墓志銘

蔡碩人墓志銘

金實卿墓誌銘

處士湯君墓志銘

郭子墓志銘

宋處士墓志銘

樂圃馬君墓志銘

筠谷處士墓碣

亡室馬氏墓銘

明太常寺少卿蔡公墓碣

卷之二十

天道篇

無意子

玄白

子膏氏

忘而見

氏憂

子園氏

辭

絳君所遊

子軌氏

象溪

憂世

汝棄

李子將歸

噐辨

進不足

晤言

棟言

坳之萍

告江子

問慕

仕不仕之間

農之子

林屋集目錄終



林屋集卷之一

廣初賦

山人蔡羽著



維金庭之鍾萃兮余實秉乎孤貞奉前脩之美躅兮  
 溢塵蛭而揚清方勝冠而筮進兮沛余車於周京慕  
 甘泉之諷諫兮偕楊馬以齊鳴迥帝局之無媒兮恫  
 鬱鬱而求退挹燕趙之清烈兮條旋徙而濟衛西神  
 遊於崑崙兮東寄覽於海岱亮吾道之未遐兮返卜  
 築於樾丘考鴻蒙之離結兮按三古之紛糾沿殷周  
 之哲譜兮遡鼎築之良謀固克艱厥臣兮亦何為而  
 何脩歟余志以力追兮恒額頽以窮年集蒹蘭以為  
 裳兮殄墻枝以為館浣余體以冰雪兮濯余髮以桂

荃余將嬪於帝所兮亦既得乎吉蠲媒嬋媛其沸騰  
兮心煩亂兮日結顧謂余服太芬兮病資施之同列  
何多事乎琳琅兮奪瓦礫而不見悅安用明珠之歷  
歷兮俾魚目之悒悒余時亦悔於求榮溘改德以深  
藏撫衆芳而戚戚兮決文珮以韜光哀初心之膺牂  
兮夜耿耿以不寐候鷄鳴於申旦兮覺晦明之如歲  
夢虞廷之曼遊兮觀夔師之鼓樂群宮合而群呂交  
覩至德之漠漠醉余心兮飲余志感後世兮涼薄鳳  
何爲兮不鳴獸何爲兮踧角角音舉兮夾鍾不應商  
弦叩兮涼風不作木何爲兮生介火何爲兮不明水  
何爲兮沸逆鉄何爲兮雷聲年無水旱兮穀何爲兮  
不成抑聖人之不作將天地之自寧吁嗟乎混兮闕

兮非人不立斟兮酌兮非道不迺孔何爲兮擊石禹  
何爲兮背門念群聖之焦焦兮感憂世之屯屯余聖  
人之徒兮夫何敢以荒寧省兩間以辨六氣兮神飄  
飄於太清葉雲霓以上征兮先牽牛之逸駕躡斗柄  
以望春兮驂群宿乎摠化馭蒼龍以東遊兮折扶桑  
以鞭日觀岱輿之浮沉兮釣六鼈而取逸暵返車於  
瑤池兮殮金桃而成丹築畢方以南巡兮窮炎海之  
所際祝融爲余前馬兮回日駕以北御載逍遙於北  
溟兮見鯢魚之初化浴天池之冰雪兮時適際乎炎  
夏挽天綱兮執地紀妙陰陽之玄微余欲效鄒衍之  
吹律兮贊元氣於海隅補韶護之闕章聊試歌於南  
風亦七政之餘化播玄德之雍容世方比周而附和

兮羗厭老而好少謂黃鍾不如瓦釜兮徒窮居而鮭  
噪鳳皇不克為媒兮鵲鴻不足為理慨蛟龍之不乘  
時兮終自同於蝼蟻兔爰爰其網空兮鴻下從而離  
之彼孟姜兮無家羗獨嬖乎戚施欲申申其致情慮  
遭遭其見疑苟乘車以濟川猶綠木而求魚余思羲  
皇之上世兮復夢寐而索之邀列仙於鄭圃兮弄漆  
叟之玄珠免艱虞之曾曾兮寄浮生於蘧廬苟無害  
於同懷兮曠百世而見知亂曰世渺渺兮無知音路  
坎坎兮愁予心善曲眉兮徒自嗔榮華落兮寡相親  
榮兮辱兮余不聞愛兮憎兮身後分

哀相逢賦

於陶唐之神化兮奚泛觀於側微暨殷賊之多士兮

尚夢寐而營思諒昊天之神兮美

共而姤奇擬

帝圖之群工兮孰得而繆居意得風

載飛戾天魚

得水兮載潛九淵衡得權兮制千鈞射得機兮臧則

穿肆王良之善御兮復有資乎銜轡雖公輸之巧鑿

兮焉鄧材之先棄重九章之締繡兮功始蚕於下女

美冠玉之陸離兮恒泥沙之見取釋匏土以矯音交

琴瑟兮虛張却鹽梅以造羹珍百甕兮奚臧爛球琳

以盈室尚芝蘭兮益芳彼藥籠之多材進參苓兮益

良苟田夫之匪才般后焉取何屠肆之老叟為周尚

父伊敗亾之纍囚越齊卿兮相國矧刑餘之客豎尚

批亢兮克敵是知巍巍者資卑穆穆者親哲自古為

然於今尤烈嗟彼蒼之生人兮獨蹉跎兮後時蹇予

中之孤介兮趨皇皇兮失期及余年之方艾兮多馨  
 香之美節服衆莖以效芬兮指冰雪以旌潔異靈脩  
 之見悅兮俟佳期於昏黃膏孔鸞之善灼兮俾駕之  
 以鴻鶴豈靈鵠之輕喜兮使九反而無常釋貞女於  
 幽閨兮先姚冶之妬粧折瓊枝以自娛恒內眷以悽  
 愴掩翡翠之秋屏兮泣菡蘭之佩裳老冉冉以日至  
 兮染紅顏之冰霜見月出之皎皎兮徒悲歌於夜長  
 信候鴈之遲歸兮桃李落而成實泣石蘭之多寒兮  
 儼回風之感觸發食渴兮飲飢夜遊兮晝匿主人出兮  
 客來歸嗟相逢兮恒不得亮木鑿之不入兮秉厥初  
 兮彌豎反前脩之玄境兮遊吾性之天苟天聰之  
 不降兮雖叩角而誰聞惟下臣之無  
 兮徒流涕於

重閣襲楚珍以待聘兮衆方進乎燕 如齊王之不  
 好兮徒欵門而鼓瑟茲秋蘭之素烈 浣芳蕙之舊  
 質選好脩之朋倚兮飲申<sub>林</sub>之玉液流厥芳于後昆  
 兮無寧溘死於草澤亂曰井渫不食求王明綠衣黃  
 裳心不平单衣至鼐歌成聲萬物勗狗奚重輕歛爾  
 葆光兮無搖爾精

仙山賦

馳藻思兮何間關構圖繪兮非人間將神遊之恍惚  
 兮抑倒景之曾攀山莫妙於九疊屏風又九九而無  
 窮水莫妙於三十六曲又曲曲而逾通示白雲之懸  
 路兮叩靈關而莫從但見山產不凋之木地茂常青  
 之草桃李榮萬年之春羽毛翔不死之鳥岩幽幽兮

葉飛洞聒聒兮泉鳴非金膏之跡液則瓊樹之弱英  
雙朱楯以爲門忽青林之隱隱覽黃金之高榜因碧  
霞以發軔覓乍升而乍降徑或浮而或沉非鸞乘而  
鶴跨抑步虛而躡清玉石爲棧兮往來自易青雲爲  
梯兮出入自輕秀木踈而復密石壁啓而復合樹結  
柯交蒼鼯飛越積雪爲膏碧火明滅靈猿蔭於寒條  
珍鳥宿於貝葉鑿寒潭兮心空拂山光兮情悅白鹿  
引僿佺之車玉兔開仙娥之闕或蹈翡翠之巢或載  
虹蜺之轍雲悠悠兮路長岸縈縈兮屢絕或懸空中  
之梁或設平步之杠神恹忙於不廉載宴息於玉房  
柱叢蒙密蘭薄芬芳金隄曲逆竹林 涼烟廊霧閣  
雲帳翠床冒碧瓦於山榭牽牛關於 傍飛泉出於

簷末紅葩煥於幽窓於是安期紫門之凡乘紫鶴駕  
白鷗拾瑤草采翠華拂烟光而容與以明月於金沙  
旣還回於淑浦遂釋近而即遠豈白銀之層觀兮凌  
沓障兮宛轉峯嵯峨兮疊青蓮樹青葱兮生紫烟三  
神山兮起空濛十二樓兮縣珠簾日未出兮珊瑚明  
涉冬春兮花木妍榮神駟兮躡光景放靈槩兮花間  
船入閨苑即仙居憇靈宮臨瑤池於是素女開牖宓  
妃上樓鈞天奏於別館神籟發乎中洲載雲旗以往  
來乘清氣以遨遊水閣則金牒蹒跚雲闥則綺䟽綢  
繆蘭堂兮貝室蓀壁兮蕙帳金鋪陸離璇廊洞脩犀  
比交玉几之光球琳鳴甲帳之勾出入歡護仙侶道  
儔鳳凰銜燈於玄夜蟾蜍約片於中秋冬居則光風

轉惠夏處則瀑布爲幕布  
沉澆服玄醴兮進勺藥鼓金簧弄玉龕檀吹流霞光  
落纖阿舉兮樹芬揚玉汗生兮異香薄瓊漿徹兮回  
霓裳華燈陳兮歸洞房窺王喬之靈竈啓赤松之丹  
牀愈入愈秘愈嘆愈芳始知元化之道無爲之方冥  
冥寂寂其樂未央回視凡境一睇而渺茫於戲非得  
仙風道骨奚爲乎克躋其鄉

松生賦

鬱差峩兮杳嶂偃蒼碧兮秀岩松喬喬以踈暢兮鑿  
白石兮潺湲翳幽貞之善處兮友泉石之間烟霞  
糾結冰霜薄蝕鼉啼猿嘯飛巢走息也寒色兮雲青  
歛暝光兮露凝天籟鳴兮千岩悒揜寒响之冷冷孤

篔簹和兮秋月白鸞鶴群翔而下停伊高人之託興兮  
得形外以盤桓邁子真之丹谷浣孫楚之清湍上則  
絕壁磨青冥而晝暝下則玄磔伏古雪而凜冽幽人  
僊旅時來親切或箕踞而容與或搜神而授訣白鹿  
縱平岩間文豹遊於阿坵爾乃臨清潭動玉酌發丹  
竈殮芍藥翠影落兮秋霞寒蒼顏潤兮羽衣約進千  
秋之玉苓弓押八公而放嬉弄萬古之瑤瑟兮送冥  
鴻而馱夷冬燠燠兮瓊扉深葉青青而不凋夏慘慘  
兮石明斜蔭颺颺於亞條草玄經以卒老誦黃庭以  
逍遙

亂曰邠老不出鳳子銜瑞錦章燦兮爲巢父累寵辱  
不驚於君何媿



玉賦

楚王既受和氏之璧傳及次世青蠅頗多弗知用也  
召宋玉之徒問焉玉曰王之疑未決于玉何恤人言  
王曰寡人不負玉玉不充用耳玉曰衆楚人咻之王  
國之不爲王者無幾雖欲親王之德見玉之光不可  
得也使大王得親王之德見玉之光青蠅雖多何患  
哉王曰可得聞乎玉曰至德無朕至美無文混焉中  
瑩恍焉精明上含三光下具衆靈朗朗圓圓吐納休  
馨邇邇不可褻遐不可捐使大王國壽而神疑俊烈芳  
聲未易狀名王曰美哉試爲寡人賦之玉曰唯唯夫  
何金石之元秀兮萃二氣之清淳始降朕于荆陽兮  
洩崑崙之玄精琳圓婆娑安乎嘒陰兮整水從之竊榮

膏流乎千里兮故草不青葱美蕤繡草珍柯扶疎  
翠動風蘭薄朱房紛敷香叢篋篋管宮伊鬱崆峒潤  
蕪乎七澤兮故水碧浮晶海月胎生紫貝明珠浮食  
江萍梢雲流渚異氣華汀林則鬱結秀層谷則盤桓  
譎韜鳳凰嚙日於千仞兮挾孔翠而逍遙麒麟吐瑞  
於靈丘兮乘五色以翔翱朝紫紫兮起虹蜺夕皜皜  
兮祥光搖烏號乎不昧之木猿嘯兮長明之巢千岩  
火噴萬穴神焱泥生黃金石結丹青箭砂水銀房包  
而戶扃莫不雲液霞蒸陽伏陰呈飛華闕月反彩射  
星壤既敷澄蘊必景靈楚人以為異也操巨靈邁荆  
棘排紫洞探地脉得之艱難以獻先王三刑而獲售  
王曰異哉秦晉無以比也王曰未潤精藏不耀而光

美泚温涼不多而香栗然起鴻泮然沮强火不能渝  
金不能傷蛾眉綠曼資借華芳能俾死者不朽疾者  
復康男子佩之則心和氣平五官昭融百度春春安  
車徐行案衍肅雍爲龍爲光萬福攸同婦人服之則  
孕秀胎冲厥生男子耳目聰明温良惠貞厥聲嗶嗶  
爲王股肱若誕女英慈質而蘭心肌明而髮芬克配  
樹房鸞凰成文王曰用之柰何玉曰大王誠得良工  
而信任之盡其瓊琢善其圭角排紫闥升玉堂朝諸  
侯臨四方重襲之兮芝函寵重之兮龍章尊之兮玉  
几奠之兮寶牀載璽載章載璜支爲琮弁拆爲  
圭璋春朝乎明堂地闢天張萬國來工樂奏宮縣禮  
會纁黃拱執煌煌受賀無彊祀平先王仰宗廟兮

抑抑止玉輅兮祁祁行以肆夏步以采齊雖雖和鳴  
以疾以徐穆穆至德無聲無色承筐是將賚此玉帛  
大王乃舉萬年之觴答百神之祝洞洞屬屬萬恐一  
失至於朝發信使夕達邦國合符準瑞和戎滅慝抑  
或徵求賢良旅幣無方降陟君庭交錯成章方是之  
時鎮我楚國寔生百祥若在杯棬和芍藥兮氣絮涓  
進蜜勺兮挹醴泉競芳樽兮屬四筵樂君王兮壽萬  
年或在琴瑟切繁軫兮絀米索揚急徵兮騁清角聽  
平平兮啓君懷解憂愠兮神志廓故畫御則絲竹文  
犀夕薦則枕牀温熙調君膳食飾君戶楣神葩奪日  
寶瑞爭輝洞房宣室恍惚陸離宸處乎瓊臺三宮啓  
扉九嬪委蛇承憐順寵並燿齊輝莫不充耳琇瑩會

升如星鸞音鳳響丁璫戶庭吮心乎瑶池羣仙接席  
環鳴珮擊莫不拊鳴球兮哀碧云振香珥兮揚阿緡  
八珍九鼎玉府乎是出君王於是飲沆瀣服瓊液吸  
金莖保玉色應天象乘紫霞精神暢王度嘉寶瑞既  
徵福筭無涯逍遙乎有道之世澹泊乎無爲之家矧  
茲和氏名高三五價重連城舜不得輯武不得分顧  
出于王之左右將使懸絛綠結褫魄喪魂主盟之國  
歛手而來賓矣是名與實兩附身與國俱綿者也王  
曰然則朝秦晉果不足道玉曰在王之擇之耳

桐子池賦

背閭闔以東馳兮駕伯通之靈橋襟龍街而西折兮  
合四滙之清渠出幽谷于市朝伏雅敏于吳趨丘有

蘭兮山有椒靜綠圍于玄墟藹雙桐之頡秀兮循岨  
石以差池挺瑤節以凌空兮敷陰芬而襲戶張綠蓋  
以互徑兮走碧柯而栢砌朝來鳳兮翠巔夕迎鸞而  
不去主人乃疏沃土鑿秀岩曲突爲池迅激爲湍潛  
通玉醴陽納春澗山得之明潤木得之秀閑伊嶧陽  
之美節倏揚鞋於清流跨通波而成幄蔭清暑以邀  
遊舟以消子釣以隱倚莫不望青葱而晨集得片石  
而晝留承葉露之奕奕裊玄颺之颼颼揚冰條于炎  
朱愛三伏之長秋若乃茂龍門之舊杵迴翠標于朝  
陽鳴鶴條于峻嶸繁乳子乎高堂暝蒙莊于槁枝招  
列僊兮碧房或伐琴瑟或薦第亦裁以珪璋雜以貂  
璫順金風以按節和碧雲而颺秋風起兮鳧鴈飛

菊有花兮桂有香  
涉蘅臯兮入于歸  
懷佳人兮不能忘  
是境也未易具言

林屋山人集卷之一

林屋集卷之二

閒居十首

山人

蔡羽

著

言征南山阿顧念北山麓  
南山可採蘭北山有綠竹  
鶴鷓既和鳴佳氣復郁郁  
斗酒勿愆期美人温如玉  
朝遊夕告歸風光一何促  
良會難具言與子坐明燭  
逃暮花不舒仍寒草無色  
懷人理素琴圓景忽已吳  
髮鬢沙棠楫風程一何遯  
與子期朔晨倏過三五夕  
札札鴛鴦機明星為誰織  
起坐不暫寧如此良夜極  
青旗載東郭四野綠以平  
春光煦葛覃黃鳥相和鳴  
停車杭疏峰厲涉迴湍  
青陰條歛寒色陽卉騰朱榮  
望望愜真想反反欣服輕  
茲境迤吾意形外無所營

顧盼屬曾阿蘭林亦頽頽柔桑方遠揚芳草忽已歇  
驅車問東川川長不能涉冥寂山林路朝市何廣絕  
渺渺四牡塵杳杳鑿輅音音塵難想像日暮愁予心  
初見蓮葉圓又逢荷芰香花開望美人花落天轉長  
兼葭歛夕暉野亭餘晚芳燭滅青螢流月出白羽涼  
佳期多契濶良會生悽愴屬酒不能飲迴風牽素裳  
耿耿當宵軒仰見河漢白莎雞振其羽虛涼漸相迫  
美人東方來秉燭不能夕苦辭陳別離素志論疇昔  
解爾明月棊問我綠蘿石四海鮮知音千秋意難適  
方秋謝埃鬱露白草復青虛遊歷曾曲水宿淹長汀  
蟬鳴樹瑟瑟鳥滅霞冥冥方池展嘉月曲檻臨華星  
朱顏不長佇綠酒難屢馨及爾良宴會舒咲野館亭

鴛鴦在秋浦促織吟朝霜行行候晨旌平旦陟河梁  
河梁勿輕陟四野倏藁黃但見離親戚不見返故鄉  
天陰雁飛疾谷暝猿嘯長昔我同遊人各在天一方  
燃燭復陳絲玄夜何耿耿夜玄曲復長座上生悲梗  
轉聽蟋蟀興起時河漢冷萬物更代謝四運電流景  
素女虛懷春烈士嗟滌井握手不見知勿訝高堂迥  
入踐墟井深出畏霜露薄北風迴璿臺衆籟生哀壑  
慄慄寒士幃英英雪交落耕田不謀富卜隣與相託  
豈慕踰垣高恒慮出門錯出門一何遲冬陰待朝曝

冬涉四首

朔風鳴枯條愁陰結昏旦輕舟泛河凍乘朝策高岸  
後徒俱揚塵臨祖不遑爨萑葦竟凡涯盤沙起鷺鶴

出客雞早鳴爭門馬行亂重經陵谷改再到毛髮換  
未同阮子悲尤多長卿倦飛蓬遂飄風常懷千里歎  
南車不暫停北馬何踳踳相逢論前路不論曾持糧  
將軍慕遠戍俠客輕家鄉萬里若卧内况在父母傍  
書生一何弱憑軾生悽愴  
見日啓雉門出疆迷霧白肅肅踰西山悠悠念東陌  
初程即踳冰裹霜起杖策青野紅酒樓兩歲三作客  
孤燈在葦間烏啼不能夕四海一囊書行行竟何適  
羯鼓悲陰風戟枝結冰花相逢雲陽傳行旅亂如麻  
茹霜話辛勤携手生咨嗟丹田老白木石上餘碧霞  
菴蕪欲何待劔匣長天涯

志内三首

曳泥終無累絲解不受刑能開玄室光常得遊廣庭  
夕月玉鏡白朝花芙蓉青光景不自愛嗜好失性靈  
陰陽何在苒蘭卮屬初馨微和暢玉色夕醉朝已醒  
君愛南山礪子樂北郭垆揭來從所之杖履時一停  
人事無終極天命不可知今我不為樂歲月徂難維  
奮庸非無情失身先自危旋踵免憂辱退步有餘基  
皇王庭中事許高豈異岐顧念一泓靜八表常無涯  
萬境豈云迂本在一局裏紫皇崑玉色靈光何處起  
巍巍示馨烈燦燦成天綺得者不為多失者不為褻  
圓景於人宜悠然出秋水良辰啓子戶醒醉不由已

志外三首

生受明主知紅顏遊舜廊吐氣干雲霄顧盼承輝光

重重侍中貂累累金銀章出入青鎖闥托籍林蘭房  
恩多不知榮意極生悲傷青葱玉階樹不能待秋霜  
列第長安中累華金門籍竹帛多功名父子俱定策  
往日一何榮來日轉不懌將相倘來物棄徒何足惜  
炎涼轉相傾睚也勿怨澤昨日魏其門去作武安客  
如生與策士其究當如何斥鷃借光景騰踏上高科  
如天五石樽不解從江河春叢下冰霜談咲興干戈  
欲令兩姑喜空致婦頰磨回車避封豕日暮岐路多  
把酒有懷寄文子徵仲

芳園閔嘉木吳景鳴禽喧曉月沉西池忽復臨前軒  
蘭卮懷時哲氣壹不能言迴飈吹我衿起坐衣幡幡  
乖違愁參宿興滅猶旦昏逝歎三替淹闕望恒軫宛

宿氣浮朱房熠燿集青蘗季夏非長寐耿耿至曙屯  
放舟城隅遂適西山

朝程發東隅秋思結西麓親密示款期伸望未能速  
微棹泝蘭汀肩輿卧林木後巖多峭奔踰嶺曠平陸  
卑谷興陰霞高花散微燠連嶠鹿方車對戶鳥分竹  
久即予誠歡謀歸生煩惱契遠獲真境寔變形不戮

越來溪

越來溪光常浥浥遠接吳江混寒碧暝鍾未起秋霞  
飛坐眺無如茶磨石越來溪上多遊人香車寶轡俱  
生塵桃花妬紅芳草綠三月來尋曲江曲春花秋月  
無盡頭朝來暮往何時休吳臺越館今何在蒼烟碧  
石俱含愁我來八月露氣涼常從雲端開竹房溪山

一卧便十日形骸爾我渾相忘沙明鳥白柰不得况  
是長橋菰米香

姑蘇臺

夜有吳題月朝有出棟雲高臺佇歌舞羅綺何紛紛  
吳月常從越山起越花卻種吳宮裏眼前不盡西子  
歡安用窮觀三百里興亡不自由春草生銅溝惟有  
橫山色空帶蛾眉羞香魂想像朝雲廟綠泥鏽斷金  
燕頭朝雲滅金燕冷夕陽滿地青楓影

浣沙女

浣沙復浣沙沙水清見底水中芙蓉花常與妾爲比  
妾顏比花丹妾心比水寒風吹沙中浪花落霜漫漫  
羅帶雙鴛鴦結束玉臂單一心爲寒衣行坐忘艱難

續吳趨

層欄轉重疊畫橋何曲折物華冠中州冠帶服胡越  
遠高州來風亦執言公業藹藹南州上煌煌鼎台列  
雄劍常宵鳴紅塵夜不滅紈袴白鼻騮通都萬軫接  
姑蘇高臺荒伍胥精魂結但聽清且嘉亦聽悲且烈

奉陪太傅王公練瀆泛舟二首

山曉鍾冥冥石門樹歷歷餘霞蒸初陽微颺轉孤鷁  
水宿凌晨光境絕欣所適回纜抱長川搜墟踐空壁  
古人練兵處滄洲長長秋冬曠娛公旌萬壑盡昭拆  
逗舟網罟村假楫陽烏居山從鏡心迴水接海表虛  
羽族憐喻華公行亦觀魚綠霞興悠悠度水行徐徐  
已叨形骸外獲奉談塵餘謝公從遊徒曳裾容散樗



祥公話天目山

山僧荷衲眉滴青蒼籐卓地鉛作聲芒鞋踏遍天邊  
山白雲擔出人間輕自言尋師一百日月登霄梯盡  
歷越路窮不聞啼鳥聲側身曾穿虎豹窟天目高山  
何處起脚繞臨安五百里請天鍾磬虛無中秋霞冬  
雪迷禪宮朝箱忽自淵底來夜燈却在空中紅風高  
六月木不解胡孫啾啾崖谷晦春無莠李秋無菊惟  
見天花發光彩我思越中多巖峯擬折天姥青芙蓉  
錢塘隘海天目聳聞渠一話心憧憧他年借得飛龍  
杖還覓支公殮雪松

春盡虎丘

日日憂花謝開門綠已齊煖舒雲外服靜轉樹中梯

泉香近丹井山空聞碧鷄年年春易去列藉俯廻溪  
諸友泛舟石湖還次治平

水氣連山靄晨遊夕未窮烟中懸澗暝天畔躡雲空  
新月在潭底百花燃鏡中竹房禪榻隱處處愛山翁  
發胥口達包山

秋水連空鳧鷖長滄洲菰米飯初香地寬不辨帆來  
影雲起遙疑石上房青壁常含芝草秀朱包新染橘  
林霜年年佩劍嗟游子莫咲南山豆畫荒

同彭子寅之上方西澗流觴

峭壁連峯開碧壇遊人於此解衣寬干松架日岩房  
秀百道飛泉午殿寒香土不須如意遣炎天還有白  
蓮看要求惠遠流觴處直枕藤蘿好恣歡

暑夕

三江收暑雨晚戶得新蟬月出留人久筵開向水偏  
桂飈薰緩酌松籟間疎絃白鳥去不返沙明空素蓮

山居二首

落日坐樛木呼人掃綠苔泠泠懸澗雪隱隱隔峰雷  
林鳥時交語岩花晚獨開南山四時翠莫放掌中杯  
隨雲度隴首不知谿谷長好鳥入林喜飛泉過竹涼  
銜杯待暝色舉手接烟光昨日携琴客重來安石牀

閣曉

殘星流曉暮花露泫平臺雉雒春桑綠魚游玉藻開  
火籠南岸果香摘北林梅掃閣推窓戶携琴客不來

七夕

天象秋來近明河當戶斜不須陳桂席聊共折荷花  
涼已多金氣香疑飄露華鵲橋如可指乘興一浮槎

野興

落日愛人影鳥鳴山谷長逢僧溪上月飲客竹間床  
得雨瓜先落迎霜橘早香開門三萬頃隨意釣滄浪  
與客至林屋洞

方丘茂草濕五月入溪寒古洞仙媒引丹床法火觀  
誰嫌靈迹隱我愛石樓寬袖得長生術常將鍾乳殮  
讀治平下院

水房虛繞竹石壁細生霞冬入經深雪春歸盡落花  
磴香來白鳥草綠闢新茶久與交游隔空疎類佛家

秋日

下阪人離嶠朝原鳥厲空江輝混遠碧林影間踈紅  
竹宇新開小花房舊訪同青崖有石髓杖策向穹窿

元和道院

秋光道院早雲氣午堂涼向竹開金笈綠桐砌壁房  
種芝丹洞小放鶴碧空長不滅芭蕉綠偏疑虛室香

八月二十二日與諸友過東禪二首

已候東林磬仍追綠蔭涼波光迴佛地樹色寒溪堂  
坐訝樽中翠行憐屐齒香日沉初夢醒黃鳥弄幽房  
廬山月未起座上白蓮開已識遠公操何妨謝客來  
秋風動溪籟蘭氣發山杯片石難將去煩君護綠苔

京邸

欸欸白雲秋睡熟萋萋碧草夕空長窓間殘果啣鸚

鷓花下繁弦切鳳皇送客常憐白門月著書難柰茂  
陵霜丹楓日日催歸思聞道蓴絲早更香

宿半塘寺

火度青槐雨虫吟碧岸涼停驂游上刹響屨借虛堂  
待月生松際携樽裛桂芳江湖來鴈早五夜度微茫

朝霽

一雨忽朝霽下林生白烟黃花初送酒紅葉已飛錢  
掃榻竹中石洗頭雲竇泉高樓鴻去遠日斷蔚藍天

秋盡

短褐漸涼冷荒徑草爛斑搖落秋光澹蕭疎物候還  
鳥猶啼翠竹雲不盡青山但勸東籬酒黃花日日閒

新秋

黍稷方華候梧桐乍落時坐看青草變卧有碧霞思  
螢疾經樓數蟬涼抱露悲清商聲已發石畔理朱絲

初返山居二首

瑟瑟葉何遠冥冥鳥不還門開千仞壁水護百重山  
採得霜逾紫移來菊尚斑今朝雲喬鳥高處看塵寰  
不見赤塵起初依碧霧虛鳥猶疑劍履葉忽滿琴書  
始覺忙為醉誰嫌倦是疎已開千礪雪檉梓煦冬墟

谷口

天寒菊花少山路客衣輕雨後空雲影霜清聞葉聲  
雞豚元不改猿鶴自相迎谷口開門僻風茅與榻平

城南諸寺

三山潮慎客南郭佇征鞍桂藹迎秋發松陰結晚寒

安琴青澗石陪塵白雲壇莫恠鍾聲促常依得自寬

大雪因感

北狩

朔方既開郡陰山盡歸附雲中列板屋不俾邊氓露  
王人曷西邁師干涉寒沍瑤花結轅門飛片揚太素  
主勤從官憂天行萬方佈留田單于臺耀武呼韓部  
功德豈不偉忘隄匪王度願言備藩盾旋風肅神  
輅

春朝

翻香鼻脉細崖古紫苔深殘雪封萱草空園變鳥音  
朝陽到素幙鼙鼓散春陰故里逢新序翻驚游子心

從軍三章

四牡何駢駢小戎花間出良人執弓矢不能顧家室

楊園葉未黃是君發家日借問幾時歸長條易蕭瑟  
公孫好功名王事何時畢

青羌與白狄春戰常連秋黃雲失紫塞烽火暗隴頭  
一日如三月三月其奈愁鴻鴈日南飛明月日西流  
清光不可附帛書安可求

自君之出矣心亂首局曲不聞莎雞聲忽又過秋菊  
織得數行書無由寄板屋十月露王師誰着鐵衣宿  
迢迢玉門關不能送雙目

川上

繁華一夜雨寂寞滿川萍煖氣歸楊柳春聲亂乳鶯  
玉門千里恨錦字去年情鏡裏雙蓬鬢應添雪數莖

春館

青綺門前柳朝朝變鳥音遊車自昏旦霧館雜風陰  
草際天難到霞端澗可尋陽春在古瑟未易寫孤襟

客夜

淒涼落葉聽猿夜蕭瑟空江吹客衣秋思可憐明月  
好山人不共白雲歸多吟短句知才拙懶曳長裾與  
世違鏡裏霜花曉明滅景陽樓外夢魂飛

閩門城樓

吳苑已多樹高臺聞急砧千秋開國意落日一登臨  
向天恍烟亂西來秀色深不須孤角起把酒思難禁

天平山謁范公祠

春山杜日鳥嚶三父老脚香忽滿庭西北風雪遺廟  
貌邦家忠義仰儀刑陰霞細護碑文綠靈谷常籠竹

樹青玄酒一危心不死海空天濶鳳冥冥

寶劍歌

寶劍在匣光不滅銀花皎皎繡成雪有時長鳴思飲  
五逾十年芳刃不缺五霸更盟七雄裂功名從前不  
可說娥媚尊前借一劑醉中嗚嗚口堪呖揮落動日  
月聲價傾名都龍額豹尾黃金塗精飛淚泣照珊瑚  
秋霜未落寒影寒神鏑一奮壯士呼抹流電瞬離朱  
星光九點湛明珠左提右挈誰與俱騰江湖紫牛斗  
行逢漢天子千載一驤首銜靈觀龍光上賜紫絲綬  
穿青雲兮入重九頓挫乃在萬乘手際遇亮匪易酬  
恩報主身何有戮鯨鯢兮跨八極揮指胡粵妖稜息  
崇平洛宴野無棘尉陀綏綏單于折翼萬乘高拱木

無慙歸來奏未央功成不受職願令四海常晏清清  
廟丹書勒功德

館娃宮

青山開玉館綠水帶長洲歌舞一夕散朝雲千載留  
仰攀巖磴吳遙覓洞花幽楚棹赴關促登高不自由  
月二首

半壁初銜嶠新輪忽滿光兔流寒殿影桂落禁林香  
扇底青娥怨歌中白苧涼思鄉茂陵客爲爾久停觴  
入解猶守寒度柳故低低輪滑水欲滴鏡明心不迷  
花開鳳苑比人在玉門西萬里遙相望其如猿夜啼  
與陸無寒宿資慶寺

空壁聞啼鳥雲深冷石房春隨落花去人自採茶忙

葉暗翻經室泉虛點易床陸郎谿壑主假榻久何妨  
下方寺

清溪寒抱碧山幽下馬尋僧客逗留半嶺綠苔荒殿  
合一湖香水白蓮浮微茫漸覺霞生壁蕭瑟空聞葉  
有秋千歲斷碑無字讀沙鷗來處日悠悠

林屋洞

飛沉出秋鏡逸軫凌僊區巖月啣半規林霞襲芳櫺  
靈關叩玉堂異界覓瑤樞含真如有遇懷遠將焉須  
神人多岫居執手程豈迂阿窓亦髣綠壁柱尤膩膚  
白鴉飛滅燈山鬼能吹竽冥寐巴陵道緬想黃金鳥  
羨爾玄玉膏一飲叨仙俱銀房與石室靜蕭撫懸壺

觀海

炎州諸華稠海島珍樹綠秋潮駕天輪倒流隘百谷  
吐吞何包周委輸常不足神山湧蒼脊返照動銀屋  
虛放去我近溟洲許邀宿水若信清道衆怪亦戢族  
弱流平如練曙淵送遙燭晚發遲明月旋艫一葦速

孟冬

玉衡旅危次郊野氣肅烈行人指故山昏曉不停轍  
旅寇容易驚長路多周折誰謂金馬門不如崆峒穴  
迂遠非時才寒姿不利熱長揖疾王前偃蹇得無拙  
藹藹松菊香繞我岩下雪鑿得紫芝田毛裘尚堪擊

與徐士瞻宿青白河

芳草天邊暗春江樹杪來黃花開繡陌白鳥下青苔  
未盡同舟意聊酬看月杯三峯黛色近不柰曉程催

吳門雜咏四首

綠霧丹霞人面花  
水聲猶送七香車  
啼鶯不斷宮前路  
說是吳王舊館娃

錦帆寂寞駕湖非  
山色含顰自落暉  
莫道千秋無勝事  
白鷗猶拂畫欄飛

已過秋浦芙蓉約  
懸望巴陵橘袖書  
山梁水殿獨來往  
日日黃花坐竹車

曾傳雪後迎春非  
未折江南破臘梅  
悠悠草色逾冬綠  
昨日河橋數萼開

秋夜別友人

秋夜何沉沉  
風動玉樹林  
何人賦搖落  
曲盡愁予心  
花開白石巘  
葉落青銅鏡  
月下送行人  
悠然發長吟

江猿一萬里  
留君過今夕  
有酒不能傾  
安用秋月白  
莫賦鸚鵡洲  
多才竟何益  
但願無風波  
扁舟任吾適  
頗聞洞庭野  
天籟能忘憂  
豈乏浩蕩懷  
能作瀟湘遊  
南菊日夜黃  
霜蕪尚餘綠  
有客知我琴  
清夜奏古曲  
會得本來心  
無得亦無失  
明晨人間事  
今晨詎可必  
但飽雕胡飯  
高眠待日出

冬日

寂寂霜花城郭曉  
蕭蕭鳴馬不堪聞  
楚天秋去留紅葉  
蜀客琴虛待白雲  
塔畔石房三度徙  
竹邊茶竈兩年分  
樂遊園上鍾山石  
常與飛鴻送夕曛

逢九江劉子說廬山

劉子能言廬嶽勝  
令人飛魄到丹青  
百重翠鎖山迴



顧千尺紅泉地動搖竹林虛無人代久香爐縹緲夢  
中遙寄巢定在啼猿處不待花開惠遠招

虎丘山房

去捺尾端茗無如竹裏人妙尋身外境暫浣目中塵  
好樹偏臨水餘花似逗春風烟步步足欲別轉逡巡

暮春

萬里月當戶郵亭花滿枝行人花下發短笛月中吹  
坐覺春光損頻驚斗柄移天邊芳草綠愁緒細如絲

煮七寶泉

玉音丁丁竹外聞璿淵青空出樹根脂光栗栗寒辟  
塵冰壺越宿長無痕碧山無鷄犬車馬不到村支公  
三昧火自閉桑下門東風細落巖畔花煎聲忽轉羊

腸車建州紫磁金叵羅錢塘新棟龍井茶瓊液津津  
流齒牙相如有文渴陸羽無宦情相逢開士家七椀  
同日傾茶爐若過銅坑去石上長罌仔細盛

天平山

有峯天然奇發彩自融結椅梓交秀森陰潭歷清徹  
及茲宴暇辰獲奉親昵轍逝遵陂陀阪爰叩阿與垵  
緬瞻范相祠道迥風烈烈斯人義千古豈惟一世傑  
形疲心益強眼明晝飛雪願言謝衣冠樵蘇寄巖穴

秋懷

江花歲歲見 帝里又逢秋搖落真無賴悲涼不  
自由行行傍螢草泛泛逐沙鷗正是霜飛夜呼童理  
敝裘

古離別

青青河邊柳蕩蕩遊子情憶昔上河梁攀折送子行  
子行豈不念輕此疇昔盟房前秋草青房內虫絲縈  
三歲坐空房相憐惟月明月缺還復生行子無返程  
念彼同飄泊慙愧水上萍耿耿晨風懷日暮涕泗橫  
懷友生

冉冉春蘭花臭味予豈忘挺挺孤生竹可以同水霜  
中年多岐路相失各一方不聞箴規辭徒令夢寐長  
今夕復何夕滅燭臨此堂歷歷河邊星仰睇轉彷徨  
羨爾雙飛鵲不能偕奮翔寄言勵明操夙夜流馨香

夏景十首

樹色分青礪峯陰轉綠池岸明荷散綺枝亞果垂脂

掃石方無事停棹欲待誰相思隔芳草酒畔有黃鸝  
梅子青彌望藤花白已多開門愁碍竹覓燈擬穿蘿  
久負山靈待重尋石鏡磨一巖朝夕計何必問風波  
江鄉臨小滿暖氣動螽斯竹日陰初合荷風澹自宜  
尊前聊共醉身外本難知物色朝朝變空然悲素絲  
花潭望不極烟綺自連天鳧飛鏡裏雪女唱葉中船  
油幕方虛罨冰衣亦淨鮮家家炊綠節放冰灌青田  
水上壘瓏閣岩前翡翠房朱明思避客玄朗自生香  
松露坐來落蟬聲葉底涼豐年人盡樂予懶臥無妨  
雨洗桐逾碧林蒸梅漸黃輕雷朝隱几高榻午焚香  
解褐形無累忘筌心自涼菖蒲花正發靜室有瑤光  
綠烟隨雨滅魚藻亦含情楚簟舒寒碧林蜩趁晚晴

客多蝴蝶夢窓柰石榴明逝傍南樓笛開樽待月生  
水色連山色青苔寂寂深鴛鴦翻葉底猿嘯隔峯陰  
有興乘明月無人拂素琴筆牀連夜冷雲闊渺難尋  
葉嶼深深度花洲寂寂停鳥當潭底白螢落鏡中青  
吹笛驚龍子移舟動客星珊珊溪上女月下賽江靈  
曾經仙嶠路不畏夏雲迷紫洞泉香遠藤蘿晚翠齊  
千岩穿榻冷六月抱霞棲白鹿相忘久嚼花繞杖藜

途次

酒畔楓何紫天邊客未歸潭扉猶隱隱霞月已輝輝  
朔鴈初驚夢秋砧未授衣不禁沙路白螢火傍人飛

林屋山人集卷之二

林屋集卷之三

秋日山中

山人蔡羽著

蒼山抱江長秋氣日夕清古閣浮空濛猿嘯陰風生  
石房俱瓊瓏出入烟霧輕花從潭心發松向槩中鳴  
林扉樂遊苑日落白下城有約暮不來睡望傷我情  
昨日掛冠處岩深翠雲薄頗喜璫樹香已見丹楓落  
天空楚江碧秋淨淮甸廓宛轉林間磴虛無霧端暮  
微遊出形外始知向來錯五穀不殺人玄酒淡可酌  
何用飾羽毛終身受籠絡相逢俱自然無竒亦無偶  
春草不待秋秋虫豈能久山花愛人來山鳥如求友  
舉杯邀明月月出杯在手忘名始忘爭軒冕亦何有

花合朝復開月落夕又圓江明遠山滅吾興在暮天  
同行無猜疑溪谷頻周旋江上有丈人一奏萬古絃  
長爲岩中主免取世上憐朝霞云可殮况有芝朮田

春夜別友人

晚山橫酒馬蹄輕寂寂都門獨聽鷺閣上花枝驚  
短雨中春草伴愁生江窮吳楚東流壯曲盡巴渝雙  
燭明不是新年無柳折長條留取繫離情

防秋三首

小種時傳箭龍沙戍未歸塞雲懸武帳漢月照金微  
猿臂能連射烏群屢冒圍驛書頻獻捷萬乘正宵衣  
降王千帳入二夜過平城角斷仇池月弓膠細柳營  
將軍休蹋踞幕府早交兵鹽澤西邊國齊呼萬歲聲

猶聞胡夜獵漸近白龍堆昆莫新開府單于舊築臺  
戍樓三月六塞曲萬人哀馬上蒲萄酒遙從葱嶺來

九日登樓

昨日風塵隔路岐今朝山色與人宜房前翠已重松  
影霜後花猶拂酒卮落魄江湖應不悔寄情文字豈  
求知二年不作登高會醉插茱萸任帽欹

蝶

不畏花房密常嫌葉露繁合歡如有待浪迹豈無恩  
素女釵頭影妖姬扇底魂王孫芳草綠未肯棄殘暉

鶯

曉寒猶在野好鳥已和鳴爲近溫泉樹先傳碧籟聲  
離人芳草恨春夢玉樓驚切切機中女何時錦字成

入高橋門

鴈度關山玉塞橫秋高天表物華清林開武帳旗亭  
遠江轉龍城水殿明常怪秣陵多紫氣遙從仙掌望  
金莖秦淮日落寒潮起南浦芙蓉鏡裏行

孝陵篇

昌期不屢逢元氣難融結如何五百年不見旄頭滅  
天不生聖人讐耻何時雪鍾山何嶢嶢江水何滔滔  
巍巍黃屋青雲高能巖萬竈封虎牢上有日月精下  
有龍鳳穴金銀生紫氣嵐靄飛英烈 神宮八月  
松栢清雲中玉樹寒風鳴九原碧火羅陰兵衣冠月  
夜時遊行長除咫尺是 天闕行人下馬心營營  
中華氣始長五岳添輝光衣冠獲尊崇子女生馨香

生民再劫同禹湯玄圭錫命功無疆百蠻朝四靈出  
舞朱干兮皇路謚時邊繫歲 豈馨五百環珮朝  
神局朱紘王輅常如生祠官駿走多虔誠橋山草木  
偏光榮

靈谷寺

東統碧城樓雉轉山巖瑣宇 殿門高岩光滴酒竹邊  
磴石澗安琴松下濤畫壁生霞秋曳杖江蓮含秀晚  
明袍身遊絕壁憂風雨萬葉涼蟬迷比阜

赴朝陽門望禁中

鎬京元是舊封疆 紫禁重重鎖未央畫角常吹城  
上月羽林猶宿斂前霜陂塘瀲灩天渠遠觀閣玲瓏  
苑樹長鍾鼎馨香河海晏玄圭終古頌

天王

扇

誰家執扇碧舊畫網虫昏侍籠曾羞日承宣不避暄  
月輪空自妬秋思已難言錯認桃花影斑姬點淚痕

村舍

春水明沙鳥斜易鋪綠茸墟遠笛聲亂峯高霞影重  
飲棹青澗竹坐記碧壇松莫道山中靜鸞啼樹樹濃

蘿菴翁竹圃

靜樂遵幽澗美栽相厥土槃彼澗之阿淇上詎足數  
青瓊璨丘園靈根潤玄圃開葉翠幙張陵梢匣琴鼓  
靨鍵凝木霞敷芬集山羽鶯群與水鷄求偶或鳴子  
孤虛隱翁性曲突柯間戶寂寂遠市朝蕭蕭日環堵

啖玉不知瘦洗耳良自苦華裾羨投簪軒冕慕襲距  
潛形又許素遙謝竟莫侶秋商每陵節京月亦不沮  
晨謀無請謁遲遲得宴處小子仰清風時叅側談麈

春日虎丘

名山正與官城近遊女朝朝佛壇桃花隔竹飛紅  
雨游絲牽粉入雕欄金尊落日江南遠瓊井流香法  
水寬我欲著經留歲晚生公明月逼人寒

秋日

清秋山色淨簾櫳八月芙蓉滿鏡中醉任隴雲連海  
綠愁禁楓葉接天紅養魚好伴鷓夷子飲水無如桑  
苧翁江上美人期不到吹簫獨自向虛空

苦寒

掌徒事東征秋邁冬不歸雪斷朔方塞火暗黃河隄  
塵沙不時起凝冰厚若基窈窕羊腸坂哀獸前後啼  
斧木不遑炊齧雪難療飢天荒弓膠折地鹵陽失輝  
猛士出萬死冒突開重圍豈無室家願王事在邊陲  
送師勒弟避暑法華寺  
只指遙山已自竒况聞樓閣在空虛松門不斷綠潭  
影澗道潛通白鹿車種木不須謀穀計乘霞亦著養  
生書涼風日日吹培草擬待秋高一曳裾

蝶蝶篇

西園蝶叢叢映花葉十五佳人二八妾鴛鴦帶長芳  
草貼妾面如花步輕捷粉蝶紛紛上眉頰長安踏青  
天氣和千叢萬叢情緒多蹴得遊絲落釵翠牽來草

露沾衣羅帶絲亂草露長美人欲行空斷腸綠潭紫  
礪迴花房銀錢瑣碎雜柘黃飛入桃李花落地亦成  
香花落留臘脂蝶香無斷時相邀入羅扇起舞頻蛾  
眉蛾眉轉低草轉碧日暮江天欲何適梁園應有未  
歸人章臺豈少思家客思家未歸春已殘悠悠蝶蛺  
蝶空台歡芳草年年成末嘆

樂遊苑

春河流春草生昔人歌舞今人耕鍾山紫氣日夕來  
金城十里飛華英水近溫泉殿園香貫赤縣極染北  
湖烟寒碧浮山川瑤池正在鳥雁中阿房閣道生青  
楓尚留一水折田間曲江想像無花紅拾得古釵頭  
田夫不能識豈知石上斑元是鉛華色臨春寂寞香

霧收景陽月色空生愁金陵王氣無消歇丹陽翻作  
神皇州市朝多改易輦道生荆棘瞻望青雲中勾陳  
連太極野雉麥上飛鴛鴦出蒲間蓬生狹斜中日暮  
車不還車不還其柰何西園遊子傷心多

清涼臺

清涼寺裏清涼臺交巖互磴青崔嵬揚子江邊白鷺  
洲白雲紅葉長悠悠都門蓮已落蟬聲滿城郭躋跳  
丹霞端乾坤忽開拓霸陵黃屋翔青雲鍾山紫氣何  
紛紛秦淮水接建章宮銅溝亦與寒潮通層樓閣  
分朱邸主第侯家相對起瓊臺砌斷金沙路鞦韆亦  
在青槐裏翡翠常銜蘇合香鴛鴦只浴膳脂水繁華  
轉傷心今古多升沉六代既冥漠唐亦安尋水晶

宮殿野棠開千門萬戶生秋陰四望何茫然忽建城  
頭羽旆從采石來烟分歷陽樹遙川動霽景碧草滅  
江渡銜杯不盡江南情與君似劍歌昇平日暮關門  
一鴈橫

摸衣篇

夜迢迢草白露寒衣未曾絮碧作白玉床桂花新水  
香長廊曳屨踏月光莎鷄出戶螢入房金井梧桐生  
夜涼涼風起聲轉促繡閣窗滅紅燭悽悽玉關情  
秋來亂心曲亂心曲其柰何銀河咫尺愁風波何況  
桑乾道路多

桃花駿

桃花駿馬白玉蹄金羈絡腦無人騎綠駝瀟灑鷓鴣臆



長金瞳箭耳骨肉奇背負柘黃羅牽過麒麟殿流蘇  
動連錢高覆奚官面紫光燦燦照林木龍影時時驚  
水族苑中何事獨優閒曾有奇功在簡竹騰天門去  
月窟一日萬里蹄不蹶絕崑崙破突厥口嚙可汗頭  
來朝建章闕

天王爲舉萬年卮清涼殿前賜湯秣朔方無事邊草  
青爲留龍種聞天庭十年對仗勞畫工臘脂用盡難  
圖形世乏九方臯老馬不可輕爲君歌此駿轉奏  
明堂和九成無令大宛獨擅名

秋日越來溪

十里橫山帶藕塘鷄聲溪上曉蒼蒼青蛾悄映荷花  
日屬玉群飛菰米香吳苑樓臺今古壯越城簫鼓水

雲長范園最是秋光美甘菊留人不論觴

塔院

超然到清虛兩屨亦羅香水鳥隔城來山雲出門合  
蒼藤古復今不復知僧臘懺悔十年誤更上一重塔

曉起

竹色衣全綠林光露未晞隴猿催夢曉塞月墮烟微  
別恨琴中語流年客裏歸悠悠花上蝶偏作合歡飛

早春五首

茅屋開門綠澗阿屋前梅樹石田多孤村雪後花初  
見正月湖南凍未和兩寄隴頭書未轉近來官閣興  
如何青霞日出天雞早錯引遊人入薜蘿

寂寂江烟開野色濛濛花霧浥潭光行宮不復千門

柳落日空餘百草香已恠翩翩朝緩轡如何對對晚  
凌霜今年見說燒燈早競剪泥金貼鳳凰

清江宛轉映村行咲指群峰看雪晴野籜製冠雲水  
淨山花浸酒烟霞明天涯已動碧草色谷口初聞黃  
鳥聲湖北故人相見少晚來空憶闔閭城

上日風清烟靄收長洲新水綠悠悠春回樹色流鶯  
亂寒入花枝翡翠愁吳地月明人倚棹江村笛好晚  
登樓歸鴻不待天涯暖早折紅梅寄隴頭

今年人日有花開羅浮春色雪中來仙山霞起天開  
畫石閣雲香玉瀉杯可柰碧燈催節近不勝清吹送  
人哀狂歌不盡滄江夜欲借吳王翫月臺

病馬

出塞常連歲功勞未易齊慣先應勸骨飛蹴太矜蹄  
沙蝕駉文斷霜盤竹葉低月氏猶未滅舉首試長嘶

夜不收

夜不收邊疆兒能爲旃裘語還與胡給欺穿垣直犯  
戎王帳夜行晝伏無定時立功取賞習死綏朔方無  
警急 禁旅充長隨南來扈 蹕涉江滸愛爾飛熊  
驍健資百年養兵非易爲慎勿優閒墜四支誰謂匈  
奴無子遺

鴈門斗

鴈門銅斗清且促朔風吹霜裂皮肉沙場草高沒馬  
鞍常怕胡人匿代谷連年漢將不度漠漫說幽州邊  
備肅外寧正謂胡無人冒頓生來定殘酷猛虎常在

山壯士須乘  
亭紫塞高連天青海無羶腥秋陰  
悲画角夜月縣金鈴傳聞霍去病蹋蹋犁王庭請聽  
平羌曲聯鑣遊近垆

桑乾河

桑乾八月寒胡中射生早繼張決封牛群氏醉眠草  
白登山頭熊夜啾胡入火獵無時休并州小兒慣斲  
殺夜半竊得丁零頭左手按飛鷲右手挾雙矛馬上  
吹胡笳揚鞭入朔州嫖姚帳前交首級但問幾級能  
封侯吁嗟死士在邊不用憂

龍江驛曉發

朱門欲開猶未開煙花已簇鳳凰臺龍江棹歌天上  
去魚鳧春色鏡中來星流寶匣青霜劍柳拂長亭綠

酒杯白狗赤鷄何處去王孫原上起塵埃

梅月僊歌

雲冠兮霧裳綠暎兮清揚玉臺寒兮步凌霜碧月小  
兮離花房窈窕兮蟬輕往來兮電行雖光景兮可即  
與凡世而無情

長門歌

夜何長兮日何短月過秋兮恒不滿車麟麟兮西復  
東耿余心兮誰致款金屋兮餘輝象林兮故衣非朱  
顏之易凋柰君志兮蚤違啓羅幃兮鬱予香儻夢寐  
之來歸彼金石兮能通何迢迢於帝扉

五月

溪上鶯啼綠樹濃溪前樓閣水雲中江南角黍梅時

雨扇底冰盤午簾風塵尾靜還生綠靄縠紋渾欲下  
青空佳期正與端陽近莫恠榴花別樣紅

贈華子中甫

愛我岩下雲且避秋陽赤潭空天鏡寒風過蕙光碧  
松竹長遮天相逢但掛幘知音不在絃人品貴出格  
山曠猿欲啼爲子掃片石

宴韓子承宗葑溪草堂與劉時服

中丞高館舊公子翠屏開曲水當門轉飛梁夾樹來  
花枝畫吐艷水氣暖生苔樂意關啼鳥閒情付酒杯  
醉來白幘岸時傍碧溪回夢得新能賦雲霞費剪裁

閒居

心事鷗應識天機雲自飛溪光寒上榻濕氣晚侵衣

帶雨蒸茶綠和烟採豆肥山家租賦薄無吏叩此扉

秀州館諸先生學文

老賢具典刑殊節風組冕雖乏寸祿沾天榮亦自腴  
跋足田竇門迎希鳳音辯浹芹華屋中良苦非公便  
所以丘壑情不爲鼎鍾眷淳風蕩後生侍來慙中淺

相逢

相逢疇昔人斜暮南山谷執子青青衿爲子拂面目  
子矜不易執三載跋予跋功名令人老岐路何反覆  
今夕聊晤歌明晨車發速車促歌轉長臨觴意不足  
見杏花懷吳下門生

偶拈如意話天涯不道春風到杏花朝雨似迎新燕  
子江村稀見野人家忙中寒食三年客雪後音書兩

髻華豈是草玄耽寂寞欲將文字問候芭

千佛閣小坐

此地得玄境樹中開綠軒坐來心自適爲我謝煩冤  
晝靜不歸鶴林深疑有猿風花吹不斷誤墮佛前尊  
春日思家  
經旬不出畏春泥狼籍風光上苑西江柳初搖客未  
發山花欲落鳥頻啼故鄉頭緒愁中草野寺樓遲石  
上梯暮色蒼然人倚閣秣陵東去白雲低

螢

不特虫聲促尤多熠燿明珠聯紈扇密星散綉帷輕  
抱露如能泣綠書亦善行新涼喜到閣見汝寐難成

臯橋

五噫高士去悠悠紅欄千年映碧流我爲月明留不  
得主人臨別贈吳鈎

秋泉

予愛秋泉清况傍岩花滴魚遊日光中倒見潭上壁  
安得無機人同坐相浣滌白木朝露香紫芝秋霞熟  
石上瓊瑤花採來不盈掬道人開石門悠然在深竹  
童子牽白雲閒補綠蘿缺窓近北湖寒烟光遠滅沒  
松花浸橘酒吹笛待秋月金門白日開行人亂如螳  
不得公卿憐何由取青紫本乏入幕才豈能令公喜  
但撫千秋絃一奏磻溪水岩深免客猜月好無人爭  
藏形烟霞中慰彼朝市情山高莫長嘯恐致麋鹿驚  
可惜

聖明朝來伴長沮耕秋菊昨夜黃故人江漢來霜紅  
果盡落岩畔芳尊開處處松桂香日落猿不哀忽憶  
萼絲羨吸露還銜杯手中青藜杖一日遍丹壑不因  
溪上談詎識漁樵樂水火不死人真遊出大漠偶然  
逢玄鶴題詩寄北郭

江上晚來山

江上晚來山宛似五湖綠我行霜尚繁已聽鶯出谷  
三歲桃李花天涯一何促非乏筵簾聲不解秦人曲  
長裾畏風塵握粟厭童僕携手會稽雲扁舟未爲速  
霜蒸海岸碧雪映羅浮春沙搖短亭柳日暮江愁人  
山光轉鳳野月殿回龍津欲行不得行空食京華塵  
落花在遊絲此恨難具陳未盡花下杯且脫頭上巾

風光戀遲暮草木知別離白鳥啼紅芳時落筵上卮  
綠楓動晚色紫竹搖夕陂彈鋏爲齊歌鼓柷發楚湄  
回首建章闕斗轉橫南箕烟霞此去深長睡得所宜  
朱門雖美魚不如尊菜樂碧山歌紫芝白水細斟酌  
金骨已夙成丹方豈須藥莫厭鶴書遲江漢隔衡霍  
園綺本無求喬松甘寂寞苟嘗季孫祿何面見丘壑

嬋妍曲

斑姬著搗素漢女無比才容華冠後宮花月還羞猜  
君寵重妾心疑恩中隱怨不可知陽阿一旦進美人  
構嬋造詛生分離舊花落新花開昭陽歌舞絃如雷  
龍顏夜醉畫不回西宮寂寂封青苔莫怨團扇影秋  
風不憐故物捻悽涼霜侵玉階樹唯有窈窕篇千

秋照貞素

江上

都門客未發不柰桂陽秋叢菊開何晚清江寒自流  
孤雲綠路細殘照出亭幽舉目悲黃落郊原無盡頭  
贈陳希問兄弟

美人出華胄伯仲俱蘭蓀履真服雅潔志烈辭復溫  
顧我以世好款密每獨援流徽間金玉纂組蔚具藩  
八龍差池起九翼前後騫揚眉念先子始信亡者存

出橫塘

鷓鴣啼吳苑鞦韆靜寒作春陰草色遲高低紺宇山幾  
寺遠近青溪花半枝叅燈已叩松邊笈賽鼓遙從水

伽繡壁丹崖隨意宿梅洲蘭渚纜頭移

對月二首

月色滿輪好客衣今夜單光於鷓尾赤霜細兔毛寒  
白羽吟虛待青蛾怨自攢天涯有良友誰共把杯看  
多少羌村笛猶嫌海嶠遲天邊烟已濕松下席頻移  
漏促金閨切秋連玉塞悲霜飛烏鵲樹啼殺墮城時  
懷姜大木

交游閱世久道義百年真東鹿羨貞女生菊懷美人  
西山雲氣足東阜月華新吾愛姜肱屋春來好問津  
觀瀾閣對金山

霧閣烟窓終日愛波濤四面使人愁扶桑早見朝陽  
影太華常清萬里秋石壁高懸虹不下芙蓉難采水  
空流夜寒龍女能吹笛分付江心獨繫舟

秋夜西齋話徐甥道環

寒露應時至草木瑟且清廣坻一以臨仰見河漢橫  
莎鷄蹙然鳴攬帶中座驚炎涼更相送往者不暫停  
懷春慕良人誓節要聖明佳期雖屢失未泯耿耿情  
南山何崔魏豺狼暮當道前車已脫輻後徒將安造  
念彼青礪阿茂樹日環抱姑從一樽綠臨流聽猿嘯

山南峰入天池

入谷也須緣礪道乘高忽又度虛岑參差石勢雲行  
細窳冥禪關樹鎖深春日綺羅偏映水江南櫻筍自  
成林十年不到天池寺南北峯頭費遠尋

贈伍子疇中

莫訝幽居巷陌偏碧槐喧噪晚春天辟疆園香人采

綠楊子亭寒客草玄座間紫氣曾看劍足下青雲先  
着鞭只任真情定交契濠邊高榻屢投眠

郭索篇

江稻初黃石湖白鱸魚作風霜滿天吳淞江頭晚潮  
落郭索公子來翩翩戈矛森森螯足軒背負玄甲能  
橫牽吳人啖之不論錢瓊膏玉髓宜烹煎香橙作齏  
尊作羹橫斜錦席相勾連金筐未啓先垂涎象箸急  
喙臍峰堅玉壺相映傾紅蓮山人綠髮俱垂肩湖鄉  
無事茅屋暖今歲仍逢大有年杖頭縣得看花錢醉  
後橫眠桑柘田郭索郭索與爾長相結毋舉一斗贈  
爾風騷篇

韓承宗得飛來鸚鵡



流沙隴西路障郡蠻中樹萬里能言禽無因忽遭遇  
秀嶺遊戲長春江濯纓故歷觀羽毛中異哉獨靈悟  
丹砂喙碧玉衣日輪果比禽族非芳洲不逐鴻鴈飛  
翩翩錦翼將安歸青山不斷闔閭城綠槐正夾韓公  
第南園藻井白日閒畫戟流蘇尚懸綴朱欄曲曲抱  
激流蘭幙深深護香砌爲爾掃畫梁開筵恣榮睨姿  
閒雅性服馴金籠俛首不畏人翠尾瘁鐵繫深向來  
或受虞人侵霞留孔雀屏風動琅玕陰鶯喧詫初見  
燕舞不自禁堂前欣得客花外想餘音中丞響未寂  
孝廉名已播不日朝天闈將汝同稱賀綠衣賜號  
曾取憐中語秘密敢浪傳他年再上麒麟殿慎勿多  
端忤 聖顏

王子履吉至館

書生小雲夢挂席拂煙光松下朝絃淨岩前夜語涼  
薰顏石花早入饌野芹香共坐一庭草秋來猶日長

橘

林屋多仙圃真柑十里香夜疑湖上火朝愛葉心黃  
顆顆朱包蜜家家王府漿能消茂陵渴不負洞庭霜  
錫貢南方又輪租一月忙未嘉今遠避風味正難量

朝陟

夜戶集虫聲朝曦布林影登高伐叢漆乘涼出墟井  
雲端開丹笈松下累金鼎寒土無相猜熱客不吾省  
遐宇流絕輝千岩結畫暝緩頰松綺間無心念朝請

石湖別秦子王宋克貞

東風吹霧碧於紗  
茶磨山前白鳥斜  
春色尚淹連日雨  
片帆真映五湖花  
丹霞布谷通車路  
青壁題名檢歲華  
莫道滄洲歸去近  
持杯看竹意無涯

與客山行二首

遵途難久逗去藪  
屢回顧塵鞅喜初  
蛻逍遙獲殊遇天地  
既許大形端得無  
趣吁嗟終年忙容  
易片言悟已向石  
上跌復共潭畔樹  
延佇遠山真旋輿  
未天暮晨裝念南  
山夕眺戀西嶺相  
見無宿期巖松藉  
逾寢山空谷初鳴  
事往坐獨省鬢黷  
昧前峰虛明屢潭  
影子倦得無休余  
疲意猶耿丘壑勿  
固窮無猜即真境

林屋集卷之三